


古文苑

五



古文苑卷第七

箴

百官箴

初揚雄依虞箴作十二州二十五官箴其九箴
六篇後崔駰及子瑋又臨邑侯劉騶駮增補十
為之解釋名曰百官箴凡四十八篇

冀州牧箴

洋洋冀州鴻原大陸岳陽是都島夷皮服潺湲
河流夾以碣石三后攸降列為侯伯降周之末

趙魏是宅冀土糜沸炫沍如湯更盛更衰載從
載橫陪臣擅命天王是替趙魏相反秦拾其弊
北築長城恢夏之場漢興定制改封藩王仰覽
前世厥力孔多初安如山後崩如崖故治不忘
亂安不遺危周宗自怙云焉有予隳六國奮矯
果絕其維牧臣司冀敢告在階

兗州牧箴

悠悠濟河兗州之寓九河既導雷夏攸處草繇
木條漆絲絺紵濟漯既通降丘宅土成湯五徙
卒都于亳盤庚北渡牧野是宅丁感雝雉祖己



伊忠爰正厥事遂緒高宗厥後陵遲顛覆湯緒
西伯戡黎祖伊奔走致天威命不恐不震婦言
是用牝雞是晨三仁既知武果戎殷牧野之禽
豈復能耽甲子之朝豈能復笑有國雖久必畏
天咎有民雖長必懼人殃箕子獻欵厥居爲墟
牧臣司宥敢告執書

青州牧箴

茫茫青州海岱是極鹽鐵之地鈔松怪石群水
攸歸萊夷作牧貢篚以時莫怠莫違昔在文武
封呂於齊厥土塗泥在丘之營五侯九伯是討
是征馬殆其銜御失其度周室荒亂小白以霸
諸侯僉服復尊京師小白既沒周卒凌遲嗟茲
天王附命下土失其法度喪其文武牧臣司青
敢告執矩

徐州牧箴

海岱伊淮東海是渚徐州之土邑于蕃宇大野
既渚有羽有蒙孤桐蠙珠泗沂攸同實列蕃蔽
侯衛東方民好農蠶大野以康帝癸及辛不祗
不恪沈湎于酒而忘其東作天命湯武勦絕其
緒祚降周任姜鎮于瑯琊姜姓絕苗田氏攸都

事由細微不慮不圖禍如丘山本在萌芽牧臣
司徐敢告僕夫

揚州牧箴

矯矯揚州江漢之滸彭蠡既潯陽鳥攸處橘柚
羽貝瑤琨篠蕩閩越北垠沅湘攸往獷一作獷矣
淮夷蠢蠢荆蠻翩彼昭王南征不旋人咸躓於
垤莫躓於山咸跌於汚莫跌於川明哲不云我
昭童蒙不云我昏湯武聖而師伊呂桀紂悖而
誅逢干蓋邇不可不察遠不可不親靡有孝而
逆父罔有義而忘君太伯遜位基吳紹類夫差
一誤太伯無祚周室不匡勾踐入霸當周之隆
越裳重譯春秋之末侯甸叛逆元首不可不思
股肱不可不慈一作慈堯崇一作勤屢省舜盛欽謀
牧臣司揚敢告執籌

荊州牧箴

杳杳一作幽幽巫山在荆之陽江漢朝宗其流湯湯
夏君一作后遭鴻荆衡是調雲夢塗泥包匭菁茅
金玉砥礪象齒元龜貢篚百物世世以饒戰戰
慄慄至桀荒溢曰我在帝位若天有日不順一作
慎庶國孰敢余奪亦有成湯果秉其鉞放之南

巢號之以桀南巢茫茫包一作多楚與荆風慄以
悍氣銳以剛有道後服無道先強世雖安平無
敢逸豫牧臣司荆敢告執御

豫州牧箴

郁郁荆河伊雒是經榮播

一作波

泉漆惟用

一作周

攸成田田相挈廬廬相距夏殷不都成周攸處
豫野所居爰在鶉墟四隩咸宅寓內莫如陪臣
執命不慮不圖王室陵遲喪其爪牙靡哲靡聖
捐一作稍失其正方伯不維韓卒擅命文武孔純
至厲作昏成康孔寧至幽作傾故有天下者毋
曰我大莫或余敗毋曰我強靡克余亡夏宅九
州至于季世放于南巢成康太平降及周微帶
蔽屏營屏營不起施于孫子王赧為極實絕周
祀牧臣司豫敢告柱史

益州牧箴

一作梁州

巖巖崑山古曰梁州華陽西極黑水南流茫茫
洪波鮫堙降陸于時八都厥民不隩禹導江沱
岷嶓啓乾遠近底貢磬錯罍丹絲麻條暢有粳
有稻自京徂畛民攸溫飽帝有桀紂酒沉頗僻
遏絕苗民滅夏殷績爰周受命復古之常幽厲

夷業破絕為荒秦作無道三方潰叛義兵征暴
遂國于漢拓開疆宇恢梁之野列為十二光羨
虞夏牧臣司梁是職是圖經營盛衰敢告士夫

雍州牧箴

黑水西河橫截

一作厲

崑崙邪指閭闔畫為雍垠

上侵積石下礙龍門自彼互羗莫敢不來庭莫
敢不來臣每在季主常失厥緒侯紀不貢荒侵
其寓陵遲衰微秦據以戾興兵山東六國顛沛
上帝不寧命漢作京隴山以徂列為西荒南排
勁越北啓疆胡并連屬國一護攸都蓋安不忘
危盛不諱衰牧臣司雍敢告贅衣

幽州牧箴

蕩蕩平川惟冀之別北阨幽都戎夏交偪伊昔
唐虞實為平陸周末荐臻一作至秦迫于獯鬻晉溺
其陪周使不阻六國擅權燕趙本都東限穢貊
羨及東胡疆秦北排蒙公城壇大漢初分介狄
之荒元戎屢征如風之騰義兵沙漠偃我邊萌
既定且康復古虞唐盛不可不圖衰不可不忘
隄潰蟻穴器漏箴芒牧臣司幽敢告侍傍

并州牧箴

雍別朔方河水悠悠北辟獯鬻南界涇流畫茲
朔土正直幽方自昔何爲莫敢不來貢莫敢不
來王周穆遐征犬戎不享爰一作伊德侵玩
上國宣王命將攘之涇北宗周罔職日用爽蹉
既不俎豆又不干戈犬戎作亂斃于驪阿太上
曜德其次曜兵德兵俱顛靡不悴荒牧臣司并
敢告執綱

交州牧箴

交州荒裔水與天際越裳是南荒國之外爰自
開闢不羈一作不絆周公攝祚白雉是獻昭王

一曰文苑卷一

六

三十六

注通

陵遲周室是亂越裳絕貢荆楚逆叛四國內侵
蠶食周宗臻于季赧遂以滅亡大漢受命中國
兼該南海之宇聖武是恢稍稍受羈遂臻黃支
抗海三萬來牽其犀盛不可不憂隆不可不懼
顧瞻陵遲而忘其規摹亡國多逸一作豫而存
國多難泉竭中虛池竭瀕乾牧臣司交敢告執
憲

光祿勳箴

揚雄

經北宮室畫爲中外廊殿門闥限以禁界國有
周衛民有蕃籬各有攸保守以不岐昔在夏殷

桀紂淫酒特牛之飲門戶荒亂郎雖執戟謁者
叅差殿中成市或鼓或鞞忘其廊廟而聚夫逋
逃四方多罪載號載呶內不可不省外不可不
清德人立朝議士充庭祿臣司光敢告執經

衛尉箴

茫茫上天崇高其居設置山險畫為防禦重垠

一作限

累垠以難不律闕為城衛以待暴卒國以

有固民

一作人

以有內各保其守永修不敗維昔

庶僚官得其人荷戈而歌中外以堅齊栢怵惕

宿衛不飭

一作勅

門非其人戶廢其職曹子標劍

古文苑卷七

三十九

陳通

標一作操

遂成其詐軻挾匕首而衛人不寤二世妄

宿敗於望夷閭樂矯搜戟者不誰尉臣司衛敢

告執維

太僕箴

肅肅太僕車馬是供鏘鏘和鸞駕彼時龍昔在

上帝巡狩四宅王用三驅前禽是射紂作不令

武王征殷檀車孔夏四駟孔昕僕夫執倮載駢

載駟我輿云安我馬惟閑雖馳雖驅匪逸匪愆

昔有

一作在

淫羿馳騁忘歸景公千駟而淫於齊

詩好牡馬牧於駟野輦車就牧而詩人興魯廐

焚問人仲尼厚醜孟子蓋惡夫既多肥馬而野
有餓殍僕臣司駕敢告執皂

廷尉箴

天降五刑惟夏之績亂茲平民不曰不辟昔在
蚩尤爰作淫刑延于苗民夏氏一作天下不寧穆王
耄荒甫侯伊謀五刑訓天周以阜基厥後凌遲
上帝不觚周輕其制秦繁其辜五刑紛紛靡遏
靡止寇賊滿山刑者半道昔唐虞象刑天民是
全紂作炮烙墜民于淵故有國者無云何謂是
刑是劓無云何害是剝是割一作割惟虐惟殺人
莫予柰躬以刑顛秦以酷敗獄臣司理敢告執
謂

大鴻臚箴

蕩蕩唐虞經通垓極陶陶百王天工人力畫為
上下羅一作羅條百職人有材能寮有級差遷能
授官各有攸宜主以不廢官以不墮昔在三代
二季不蠲穢德慢道畧非其人人失其材職及
其官案寮荒耄國政如漫文不可武武不可文
大小上下不可奪倫鴻臚且司爵敢告在隣

宗正箴

魏魏帝堯欽親九族經哲宗伯禮有攸訓屬有攸籍各有育又商子世又代以不錯昔在夏時少康不恭有仍二女五子家降晉獻悖統宋宣亂序齊桓不胤而忘其宗緒周譏戎女魯喜子同高作秦崇而扶蘇被凶宗廟荒墟鬼靈靡附伯臣司宗敢告執王

大司農箴

時惟大農爰司金穀自京徂荒粒民是斛肇自厥初實施惟食厥僚后稷有無遷易實均實贏惟都作程旁求衣食厥民攸生上稽二帝下閱

三王什一而征為民作常遠近貢篚百姓

一作日則

不忘帝王之盛咸在農殖季周爛漫而東作不

勅膏腴不穫庶物並荒府藏

一作庫

單虛靡積靡

倉

一作積倉

陵遲衰微姬卒以痒秦收太半二世

不瘳泣血之末海內無聊農臣司均敢告執繇

少府箴

實實少府奉養是供紀經九品臣子攸同海內弊帑祁祁如雲家有孝子官有忠臣共僚率舊聖則越遵民以不擾國以不煩昔在帝季癸辛之世酒池糟隄而象箸以噬至於耽樂流酒而

姐末作崇共察不御不恢夏殷喪其國康而卒
以陵遲嗜不可不察欲不可不圖未嘗失之於
約常失於奢府臣司共敢告執觚

執金吾箴

溫溫唐虞重襲純孰經表九德張設武官以御
寢賊如虎有牙如鷹有爪國以自固獸以自保
牙爪蔥蔥動作宜時用之不理實反生災秦政
暴戾播其威虐三其仁義而思其殘酷猛不可
重任威不可獨行堯咨虞舜惟思是尚吾臣司
金敢告執璜

將作大匠箴

侃侃將作經構宮室墻以禦風宇以蔽日寒暑
攸除鳥鼠攸去王有官殿民有宅居昔在帝世
茅茨土階夏卑宮觀在彼溝洫桀作瑤臺紂爲
璇^{璇一作}室人力不堪而帝業不卒詩詠宣王由
儉改奢觀豐上六大屋小家春秋譏刺書彼泉
臺兩觀雉門而魯以不恢或作長府而閔子不
仁秦築驪阿羸姓以顛故人君無云我貴穰題
是遂母云我富淫作極遊在彼墻屋而忘其國
戮作臣司匠敢告執猷

太常箴

崔駰

揚雄作

翼翼太常寔為宗伯穆穆靈祇寢廟弈弈稱秩
 元祀班于群神我祀既祇我粢孔蠲匪愆一作德
 匪忒公尸又君攸宜弗祈弗求惟德之報不矯
 不誣庶無罪悔昔在成湯葛為不吊棄禮慢祖
 夔子不祀楚師是虜魯人躋僖臧文不悟文隳
 太室栢納郤賂灾降二宮用誥不祧故聖人在
 位無曰我貴慢行繁祭無曰我材輕身恃巫東
 鄰之犧牛不如西鄰之麥魚秦殞望夷隱斃鍾
 巫又常臣司宗敢告執書

太尉箴

崔駰

天官冢宰庶僚之師師錫有帝命虞作尉爰叶
 台極爰平國域制軍詰禁王旅惟式九州用綏
 群公咸治干戈載戢宿纏其紀上之去據下之
 云戴苟非其人戮我帝載昔周人思文公而召
 南詠甘棠昆吾隆夏伊摯盛商季世頗僻禮用
 不匡無曰我強莫余敢喪無曰我大輕戰好殺
 紂師百萬卒以不艾宰臣司馬敢告在際

河南尹箴

茫茫天區畫輿為京商邑翼翼四方是營唐虞

商周河洛是居成王邲鄆以處鶉墟諸夏勁強
是從是橫徹我墻屋而師尹不匡霸奪其權宗
器以分圖籍遷齊九鼎入秦 後云

尚書箴

崔瑗

一作揚雄

皇皇聖哲允勅百工命作齋慄龍為納言是機
是密出入朕望之喉舌獻善宣美而讒說是折
我視云明我聽云聰載夙載夜惟允惟恭故君
子在室出言如風動於民人渙其大號而萬國
平信春秋譏漏言易稱不密則失臣允告其和
巽吝其類書稱其明申申厥鄰昔秦尚權詐官
非其人符璽竊發而扶蘇墮身一女姦愆命七廟
為墟威福同門牀上維辜書臣司命敢告侍隅

博士箴

洋洋三代典禮是脩畫為辟雍國有學校侯有
泮宮各有攸教德用不陵昔在文王經啓其軌
勗于德音而思皇多士多士作楨惟周以寧國
人興讓虞芮質成公劉挹行潦洒濁亂斯清官
操其業士執其經昔聖人之綏俗莫美於施化
故孔子觀夫太學而知為王之易易大舜南
面無為而衽席平還師階級之 一本無級 間三

苗以懷秦作無道斬決天紀漫彼王迹而坑夫
術士詩書是泯家言是守俎豆不陳而奠其社
稷故仲尼不對問陳而瑚一作胡益一作籃是遵一作道原伯
非學而閔子知周之不振儒臣司典敢告在賓

東觀箴

洋洋東觀古之史官三墳五典靡義不貫左書
君行右記其言辛尹顧訪文武明宣倚相見寶
荆國以安何以季世咆哮不度在強奮矯而戮彼
逢干衛巫監謗國莫敢言狐突見斥淖齒見殘
焚文坑儒羸反爲漢巫蠱之毒殘者數萬嗟嗟
後王曷不斯鑒是以明哲先識擇木而處夏終
殷摯周聃晉忝或笑或泣抱籍遁走三葉靖公
果喪厥緒宗廟隨夷遠之荆楚麥秀之歌億載
不腐史臣司藝敢告侍後

關都尉箴

茫茫九州規爲關津唐堯積德三代脩仁越季
不軌爰失厥人聖賢不用頑嚚是親漢潰武關
項破函谷秦王子嬰縊爲禽僕尉臣司關敢告
並轂

河隄謁者箴

伊昔鴻泉浩浩滔天有夏作空爰奠山川導河
積石鑿于龍門疏爲砥柱率彼河澚大陸旣礙
播于北野濟漯咸順沂泗從流江淮湯湯而冀
宅乃州澹菑濺濺東歸於海九野孔安四隩不
殆爰及周衰夏績陵遲導非其導堙非其堙八
野填淤水高民居溢溢滂汨屢決金隄瓠子潺
湲宣房作歌使臣司水敢告執河

郡太守箴

有羸驅除焚典紀舊蕩滅蕃畿罷侯置守秦發
閭左陳涉奮威楚築乾谿靈王不歸征遐由近
可不肅祇守臣司境敢告執機

北軍中候箴

赫赫將帥典摠虎臣鷹揚旅武闐然奮震贅衣
近侍常伯之人怒如熊力角焉任均操兵左右
百夫衛賓昔在高祖草創伊神鴻門之會職多
未陳或有劔舞賴有傾身孔丘歷堦文武定申
以人士拜齊無其臣秦政東遊大盜輩群期門
不設施巧銳騎在不脩負故圖遠秉機事有躬
勤躬勤在親親無常人忽情懈怠禍慢及君憲
臣司武敢告執軍

侍中箴

皇矣聖上神居天

其一作

虬勒求俊良是弼是輔

匪懈于位庶工以序昔在周文創德西隣聶聞

上帝賴茲四臣辛尹是訪八虞是詢濟濟多士

又用有勳文公欽若越興周道亦惟先正克慎

左右常伯常任寔爲政首降及厲王不祗不恪

暱彼宗夷用肆其虐惟敗天命寇賊一作戎並作

圯墜宗緒寢廟靡託無曰我賢不選至親無曰

我任妄用嬖人籍閱飾顏穢我神武鄧通擅鑄

不終厥後中書竊命右弘作禍高安斷袂哀用

古文苑卷七

十五

三

數

無主侍臣司中敢告執矩

司隸校尉箴

煌煌古制分劃五服翼翼封畿四方之極牧監

匡設是謂王國大漢通變崇弘簡易吞舟之網

以濟難阨自時厥後或慢或遲綉衣四出禍起

宮闈江充作亂辱于戾園率隸掘蠱以詰其姦

既定旣寧爰遂其官俾督京甸時惟鷹鷂必正

必式國之司直乃回乃邪寔爲讒慝毀於貞賢

悔其何及昔唐虞晏晏庶績以熙嬴氏慘慘怨

毒用滋是故履上位者無云我貴苟任激訐平

陽玄默以式百辟畫一之歌豈猶遐邈使臣司
繇敢告執役

城門校尉箴

揚雄

幽幽山川徑塞九路盤石唐芒襲險重固國有
城溝家有柝柝各有攸堅民以不虞德懷其內
險難其外王公設險而承以盤蓋昔在上世有
殷有夏癸辛不德而設夫險阻湯武爰征而莫
遏莫禦作君之危不可德少而城溝伊保不可
德希而城溝是依唐虞長德而四海永懷秦恢
長城而天下畔乖尉臣司城敢告侍階

上林苑令箴

茫茫大田芄芄作穀山有徑陸野有林麓夷原
汚藪禽獸攸伏魚鱉以時芻蕘咸殖國以殷富
民以家給昔在帝昇共田徑游弧矢是尚而射
夫封豬不顧於愆卒遇後憂是以田獲三驅不
可過差麀鹿攸伏不如德至衡臣司虞敢告執
指

司空箴

一作崔
駟作

善彼坤靈侔天作則分制五服劃爲萬國乃立
地官空惟是職茫茫九州都鄙盈區網以群牧

綴以方侯烈烈雋又翼翼王臣臣當其官官宜
其人九一之政七賦以均昔在季葉班祿遺賢
培克充朝而象恭滔天匪人斯力匪政斯勅流
貨市寵而苞苴是鬻南王路斯浮孰不傾覆官臣
司士敢告在側

司徒箴

崔駟

天鑒在下仁德是興乃立司徒亂茲黎烝茫茫
庶域率土祁祁人具爾瞻四方是維乾乾夕惕
靡怠靡違敬敷五教九德咸事嗇人用章黔旼
是富無曰余恃忘予爾輔無曰余聖以忽執政
匪用其良乃荒厥命庶績不怡疚于爾祿豐其
折股而鼎覆其餗書歌股肱詩刺南山尹氏不
堪國度斯憊徒臣司衆敢告執藩

大理箴

邈矣臯陶翊唐作士設為犴狴九州允理如石
之平如淵之清三槐九棘以賢以聽罪人斯殛
凶旅斯并熙乂帝載旁施作明昔在仲尼哀矜
聖人子罕禮刑衛人釋艱釋之其忠勲亮孝文
于公哀寡定國廣明夔矣邈矣舊訓不遵主慢
臣驕虐用其民賞以崇欲刑以肆忿紂作炮烙

周人滅殷夏用淫刑湯誓其軍衛鞅酷烈卒殞
于秦不疑加害禍不反身嗟茲大理慎于爾官
賞不可不思斷不可不虔或有忠能被害或有
孝而見殘吳沈伍胥剖比干莫遂爾情是截
是刑無遂爾志以速以殛天鑒在顏無細不錄
福善災惡其効甚速理臣司律敢告執獄

尚書箴

龍作納言帝命惟允山甫翼周實司喉吻赫赫
禁臺萬邦所庭無曰我平而慢爾衡無曰我審
而怠爾明四岳阿鯀績用不成虞登八凱五教
聿清舉以無私乃忝服榮正直是與伊道之經
先人匪懈永世流聲君子下問敢告侍庭

諫大夫箴

崔寔附

於昭上帝迪竝既哲匪于水鑒惟人是察處有
誦訓出有旅賁木鐸之求爰納道人各有攸訊
政以不紛昔在大禹拜承昌言癸辛暴戾虐及
于天逢于周厲慢德不蠲煦煦胥讒人謗乃作
不顧厥愆是討是格庶類不堪流之坻宅防人
之口譬諸防川豈不速止潰乃潺湲潺湲尚塞
言擁為賊默默之患用顛厥國諫臣司議敢告

有翼

文苑卷第七



古文苑七

十九

